

visum in primo, et amplius. » (127). Quæ decisis allegata fuit in dicta *Feretrana*; quæ a parocho, adductis novis juribus, reprobatis die 1 Sept. 1742, sub dubio: « An, et in quibus sit standum, vel recedendum a decisio in easu, etc. » Eadem sac. cong. Conc. in *Feretrana juris sepiendi*, die qua supra, respondit, Ad I: « Prævio recessu a Decis. Affirmative, attentis circumstantiis. » Ad II et III: « In decisio in omnibus, et amplius. » (128). Ubi notanda est illa particula, et amplius, quæ, ut recte tradit practicissimus cardinal. Lambertin., deinde Summus Pontifex Benedictus XIV, volum. III, notific. 14, p. 136, significat, quod omnes eminentissimi cardinales fuerunt concordes, et quod cum sit clara materia, seu causa, non est amplius de ea agendum.

(129). * Monialium professio religiosa (ut supra traditum) ante decimum sextum ætatis annum expletum, et exactum annum novitiatus emissum, irrita est ex Trident. sup. cit. Attamen excipiuntur mulieres, quæ pœnitentes, aut convertitæ appellantur, cum quibus constitutiones earum circa probatum servandæ sunt, non obstante conciliari decreto de monialium professione, ut ex decreto S. congr. Concil. *De synod. diaœ.*, lib. xiii, cap. 12, § 1 nov. edit.

(130). Hæc conciliaris sanctio de anno probationis valet etiam pro illa, quæ usi privilegio bimestris post conjugium, religionem ingreditur, quanquam id cedat in incommodo illius, qui in sæculo remanet, ut non possit transire ad alias nuptias, nisi postquam conjux religiosa, anno probatiois exacto, professionem emitit. *Ibid.*, § 2. Quin et accidere potest, ut biennium exspectandum sit illi, si conjux religiosa, anno probationis fere exacto, religionem mutaverit, et in ea novam probationem instituerit.

(131). Sponsa per verba de futuro alteri oppignorata, addito utrinque juramento de contrahendo et consummando matrimonio, potest ante initum conjugium religionem ingredi, juxta illud: « Promissum non infringitur ab eo, qui in melius illud commutat; » cap. *Pervenit*, De jurejur. Et definitur in c. *Commissum*, De sponsal., quamvis ibi dicatur tutius esse, si ineat matrimonium, tum religionem ingrediatur; quod tamen vel est de consilio tantummodo, vel sponsalia tunc non inferebant aliam promissionem, nisi de conjugio celebrando, non vero de celebrando et consummando, uti nunc ferunt. *Ibid.*, § 8.

(132). Matrimonio rato, non consummato, integrum est mulieri religionem approbatam ingredi, et per professionem in ea conjugii vinculum dissolvitur. (133). Hæc tamen valent pro veris et approbatis religionibus, in quibus tria vota substantialia emittuntur, ut est etiam ordo equestris Hierosolymitanus, non vero cæteri equestres ordines, ut ex Tridentino, sess. xxiv, *De matrim.*, can. 6, et traditis a DD. *Ibid.*, § 9.

(134). Consummato jam conjugio, si liber utriusque conjugis consensus intercesserit,

potest utique mulier religionem ingredi, (idem de viro dixeris) et in ea profiteri, si tamen et alter conjux consentiat in religionem ingredi, si junior est, vel si senex existiterit, emittat votum simplex castitatis. (135). Si vero ab alteretro vel revocetur consensus libere præstitus ante alterius professionem, vel etiam post professionem valide emissam, si non adimpleta fuerint conditions superius expressæ, conjux religiosus, eo petente, egredi et religione tenetur, ut definitur in c. *Præterea*, De convers. conjug., can. *Quia Agatho* 27, q. 2, c. *Cum sis*, De convers. conjug. *Ibid.*, § 10, 11.

(136). Non vero sufficit, si, muliere religionem ingressa, alter conjux non senex sacros ordines suscipiat, ex constitut. Joannis XXII *Antique*, tit. *De voti redempt.*

(137). Si vero legitime probatum fuerit adulterium uxoris, quæ deinde transit ad religionem, tunc integrum viro est in sæculo manere, dummodo tamen castitatis votum emittat. Ita ex decisio a sacr. congreg. *Ibid.*, § 15.

(138). Quin et in eo casu, si ex episcopi testimonio constet, virum in sæculo manentem vitæ esse probatæ, conceditur illi per indultum, ut nullo se castitatis voto obliget, adeo ut post uxoris mortem possit ad alias nuptias transire. Ita ex resolutis a sac. congr. *Ibid.*, § 16.

(139). Concessum est etiam aliquando indultum viro sexagenario majori, ut Sacerdotio initiari posset, dummodo uxor fere sexagenaria perpetuum castitatem voveret. *Ibid.* (140). Concessum est etiam, ut vir septuagenarius de consensu uxoris accepereat sacros ordines, et uxor paris ætatis Tertiariæ habitum indueret, dummodo diversas omnino ædes incoherent. *Ibid.**

ADDITIONES EX ALIENA MANU.

(141). Inter requisita allata ab auctore pro legitima receptione puellarum ad educationem, recenseri et hoc debet, quod eæ fidem matrimonii haud præstiterint. (142). Nam et receptas ab ordinariis dimittendas esse, si consisterit fidem matrimonii præstisse, decisum refert a sacr. congreg. Episcorum et Regularium negotiis præposita Benedictus XIV, *Institut. eccl.*, 33, n. 13, et quidem etiamsi agatur de monasteriis

tum religionem ingrediatur; quod tamen vel est de consilio tantummodo, vel sponsalia tunc non inferebant aliam promissionem, nisi de conjugio celebrando, non vero de celebrando et consummando, uti nunc ferunt. *Ibid.*, § 8.

(143). An autem puellæ jam receptæ et manentes in monasterio exempto, subjectæ sint ordinario? (144). Negat Pellizzarius, *De monial.*, cap. 5, sect. 4, n. 190, ex ratione illa quod locus exemptus et locus extra diœcesim æquiperantur. (145). At rectius affirmat Suarez, *De censur.*, d. 1, sect. 4, n. 6, nam verum indistincte haud est quod locus exemptus et locus extra diœcesim æquiperantur, sed ad certos tantummodo effectus. *Vide Clement. Concord. pastoral.*, part. II, c. 1, n. 55 et seqq. (146). Quocirca non est quod statuatur, esse dictas puellas exemptas ab ordinario jurisdictione.

(147). Patet hinc puellas per id temporis quo in educatione manent, subjici reservatiōnē casuum ab ordinario loci factæ, ut nou-

videtur negare ipse Pellizzarius, *De monial.*, cap. 5, sect. 4, n. 191, tametsi in superiori questione contrarius.

(148). Sed an dictæ puellæ tempore interdicti, sive generalis, sive particularis, possint audire missam et alia divina officia, recipere sacramenta, et donari ecclesiastica sepultura, sine pompa tamen? (149). Affirmant plures apud Pellizzarium, *De monial.*, c. 5, sect. 4, n. 192, ea de ratione, quod venient nomine familiarium monialium, quibus permitta hæc sunt. (150). Sed, cum eæ propriis sumptibus vivant, non immerito dubitari potest an venire possint nomine familiarium monialium.

(151). Non gaudere privilegio fori hasce puellas, communis sententia est. (152). Sed non convenit inter doctores an dictæ puellæ gaudente immunitate ecclesiastica concessa ecclesiis et monasteriis omnium religiosorum utriusque sexus. (153). Improbabilis vero haud videtur distinctio a Bordonio, resol. 1, n. 8, tradita quoad religiosos, et a Pellizzario ampliæ quoad puellas has, ut scilicet gaudent si delinquent in ecclesia: non gaudent autem si delinquent in monasterio.

(154). Reliquum est ut disseramus de parocho, qui possit assistere matrimonii puellarum in monasteriis propter educationem manentum. (155). Cavendum (88) autem est ab auctore hic n. 36(39) absolute pronuntiante parochum in cuius parochia est monasterium assistere posse matrimonii harum puellarum. Ut enim recte monuit san. mem. Benedictus XIV, d. *Instit. ecclesiast.*, 33, n. 16: « Si puella, quæ Matrimonii fidem præsttit, in alia parochia domicilium non habeat, tunc parochus quem primo loco nominavimus (scilicet in cuius parochia est monasterium), puellam in matrimonio conjunget. Sin autem paternum, maternum, vel fraternalum domicilium habebit, tunc parochus cui domicilium idem subjicitur, pro confiando matrimonio præsens assistet. »

(156). Cavendum etiam ab auctore qui n. 84 sentire videtur, novitiam ex causa infirmitatis egressam a monasterio, reversam debere inchoare annum novitiatus, nam « decisum fuisse ait Pellizzarius *De monial.*,

(88) Vide de hac re sub v. *Matrimonium*, art. 9, n. 116 et seqq.

(89) *Responsio auctoris.* — « Cavendum est ab auctore (inclusum hic additor sub n. 155), cavendum est ab auctore (inclusum hic additor sub n. 56), absolute pronuntiante parochum, in cuius parochia est monasterium assistere posse matrimonii harum puellarum. Ut enim recte monuit san. mem. Bened. XIV, etc. » Ast bona additoris venia, debebat ipse advertere et adnotare quod totum id jam fuerat a me auctore allatum in *Supp.*, verb. *Matrimon.*, art. 9, n. 116 et seq. Insuper sub n. 156 subjungit: « Cavendum etiam ab auctore, qui n. 84, sentire videtur, novitiam ex causa infirmitatis egressam a monasterio, reversam debere inchoare annum novitiatus, nam decisum fuisse ait Pellizzari, *De monialibus*, cap. 2, sect. 2, n. 47, a sacr. congr. contrarium. » Ast ego pro mea conclusione affero tria de cœta sac. congr.

c. 2, sect. 2, n. 47, a sacra congregatione novitiam moniale durant probationis anno curande valetudinis causa a monasterio egressam, et postea reversam, professionem emittere potuisse, ac si nunquam egressa fuisset, quod est dicere, per hujusmodi egressum non censerri annum probationis moraliter interruptum. »

(157). Cavendum demum ab auctore qui n. 100 videtur adhærere doctoribus tenentibus, quod professio emissâ post annum probationis a puella hecica non prosit monasterio quoad acquisitionem honorum. *Vide* tamen quæ diximus in additione ad verbum *ANNUS PROBATIONIS*, n. 10.

ADDITIONES CASINENSES.

* Quoad ea quæ in hoc articulo traduntur a n. 134 ad n. 140 satius existimamus doctrinam Benedicti XIV per extensem transcribere, tenoris sequentis: « (De matrimonio consummato) illud est præmittendum quod quidquid sit de quibusdam exemplis, quæ in ecclesiastica historia leguntur, nonnullarum scilicet mulierum jam nuptiarum quæ viris plane insciis ad religiosa claustra con fugerunt, vel de viris qui uxoribus nihil tale opinantibus monasticam vitam professi sunt; cum tribuenda hec sint peculiari divino afflata, aut vigenti per ea tempora ecclesiastice disciplinæ quæ ad monasticum institutum foendum, ampliandumque magnopere intendebat: nostris sane temporibus, si de matrimonio agatur consummato, nequit uxor sine consensu viri, aut vir sine consensu uxoris, religiosam et claustralem vitam amplecti, quemadmodum perspicue infurit ex Decretali Alexandi III in cap. *Verum*, De convers. conjug. « Consensum autem hujusmodi liberum esse oportet ac voluntarium: « si enim fuisset per vim metum extortus, « posset utique qui ipsum præsttit alterum « conjugem, licet jam claustris inclusum ex iis revocare; » uti rescripsit Innocentius III in decretali *Accedens*, eodem tit. Et quamvis etiam consensus omnino fuisset liber, insuperque conjux monasterium ingressus, religiosam professionem emisisset, si alter conjux ea quæ sacris canonibus constituta sunt, ex parte sua non præstet, integrum ipsi est, professum et claustro revocare, licet professio

Episcoporum, et D. additor tantummodo refert ex Pellizzario sac. cong. sensisse contrarium. Hinc videat lector, cui magis fidendum, an D. additori citanti contrarium decretum sine illa assignatione diei, mensis, anni et loci; an mihi afferent tria decreta cum assignatione temporis et loci, quo et unde fuerint emanata. *Vide ibi* n. 84, et decretum allatum n. 85, immediate sequenti. Denique sub n. 157 repetit additor: « Cavendum ab auctore qui n. 400, videtur adhærere doctoribus tenentibus, quod professio emissâ post annum probationis a puella hecica non prosit monasterio, quoad acquisitionem honorum. » Ast ego ibi n. 99, sentio contrarium, quamvis n. 100 et seqq. referam opinionem Ricci relati, et secuti a Monacell., part. II, tit. 43, formula 5, n. 14, edition. Rom., 1706. Hinc a qua nostrum, an a me, an potius a D. additore hac re cavendum sit, judicet prudens lector.

ab eo valide emissæ fuerit, juxta celebre rescriptum laudati Pontificis Alexandri III in decretali *Præterea. De convers. conjug.* Quapropter, si in aliqua diœcesi contingat ut nupta mulier in religionem se recipiat, noverit episcopus id sibi vel maxime incumbere, ut et legitimus liberque præcedat viri consensus, et is præterea prescriptas a sacris canonibus conditiones implere non omissat.

« De quibus sane conditionibus aliqua hic adnotare volentes, duo a sacris canonibus præscripta comperimus. Primum, ut si alter conjugum velit in monasterium sese recipere, ibique se Deo devovere, id ei nullatenus concedatur, nisi alter quoque conjux cœnobium ingredietur et in eo Regularem professionem emitat. Satis perspicuous est textus in can. *Quia Agatho*, 27, quæst. 2, ubi hæc leguntur : « Quem tamen (de Agathone « sermo est ab uxore ad religionem prope- « rante) ita suscipienda esse cognoscet, si « et uxor illius similiiter converti voluerit, « nam, dum unum utrorumque corpus con- « jugii copulatione sit factum, incongruum « est, partem converti, et partem in sæculo « remanere. » Huic consonant sequens canon *Scripsit Nobis*, in quo continetur rescriptum Nicolai Ponifícis ad reginam Teuthbergam, quæ, cum esset Lothario nupta, Religioni nomen dare exoptabat : « Cui nos scripsimus « non hoc aliter fieri posse, nisi eamdem « vitam conjux ejus Lotharius elegerit. » Idemque Pontifex ad Lotharium scribens hæc habet : « Nam sicut sit scriptum : *Quod Deus conjunxit, homo non separat* : Deus « tamen et non homo separat, quando divini « amoris intuitu, ex consensu utriusque « conjugis matrimonia dissolvuntur. Aliter « autem fieri mutuam separationem vestram « prohibemus. » Neque clarius esse potest Alexandri III decretal in cap. *Cum sis, De convers. conjug.* : « Ignorare non debes san- « ctorum Patrum constitutione esse contra- « rium, ut vir, uxore sua, aut uxori, viro suo « non assumente religionis habitum, debeat « ad religionem transire. » Hæc est prior regula a jure canonico tradita. Sequitur altera quam prioris limitationem merito di- xeris; qua nimur sancitum posse alterum conjugem, post matrimonium etiam consummatum, fieri religiosum, licet alter ejus vestigia sequi detrectet, dummodo tamen hic proiecta ætatis sit, ab omni incontinentiae suspicione immunis, et si inter seculares versari maluerit, simplici castitatis voto se obstringat : his quippe positis peculiaribus circumstantiis, alteri ex conjugibus fit facultas ingrediendi religionem, alteri vero manendi in sæculo, veluti prosequitur Alexander Ponifex in prædicta decretali *Cum sis, De convers. conjug.* En eius verba : « Inde est quod « auctoritate Apostolica prohibemus ne in « episcopatu tuo virum, vel uxorem, nisi « uterque ad religionem migraverit, trans- « ire permittas. Verum, si ita uxori senex « est et sterilis, quod sine suspicione possit « esse in sæculo, dissimilare poteris ut ea « in sæculo remanente et castitatem pro-

« mittente, ad religionem transeat vir ejus « dem. » In quem textum *Glossa*, verb. *Dissimilare*, observat hujusmodi verbis veram permittendi et approbandi vim inesse. Quod eo magis dicendum est, dum quidquid decretum legitur in prædictato cap. *Cum sis*, confirmatur quoque in subsequentibus decretalibus sub eodem titulo, *De conversione conjugatorum*, collectis ; quarum unum initium est *Uxoratus*, alteri *Ad Apostolicam*, et alteri *Significavit*. Et quamvis in prima ex illis, nimur in decretali *Uxoratus* habeatur, continentiae votum a conjuge jam sene qui in sæculo remanet emittendum, « publice in conspectu Ecclesie nuncupari debere, exinde tamen non sequitur solemne illud esse ; nam, sicut inferior demonstrabimus, illud tantummodo continentiae votum solemne censem, quod est sacro ordini vel regulari professioni annexum : sed hoc tantummodo ex laudata Decretali infertur, perpetuae continentiae votum a manente in sæculo concepiendum, et rite perficiendum esse coram testibus et superiore ecclesiastico, ne unquam de illius nuncupatione dubitari possit...

« Cum dictum fuerit superius quoties uxor religiosam in monasterio vitam amplectatur debere et virum ingredi monasterium, ibique monasticæ professionis vota emittere, nisi ea sit ætate vel conditione quæ omnem incontinentiae suspicionem excludat, satis vero esse ut in sæculo se simplicis castitatis voto obstringat, si ab ejusmodi suspicione maxime per ætatem vindicetur : ambigi jure nequit, quin in hac posteriori facti specie possit vir, si velit, ad sacram ordinem, indeque ad sacerdotalem gradum in sæculo descendere ; si enim lex ipsi in tali casu indulget, ut simplici castitatis voto illigatus in sæculo permaneat, cumulatus legem implet, si sacris ordinibus initietur : cum castitatis votum, sacris ordinibus adnexum, solemne sit, et habeatur, juxta decretalem in cap. *De voto*, in 6, cuius hæc sunt verba : « Illud solum votum debere dici solemne, « etc. quod solemnizatum fuerit per su- « sceptiōnēm sacri ordinis, aut per profes- « sionem expressam, vel tacitam factam ali- « cui de religionibus per Sedem Apostoli- « cam approbat. »

« Nodus igitur difficultatis est potissimum in eo casu, quo vir nec ætate grandevus, nec ob alias circumstantias ab incontinentiae suspicione immunis, et si inter seculares versari maluerit, simplici castitatis voto se obstringat : his quippe positis peculiaribus circumstantiis, alteri ex conjugibus fit facultas ingrediendi religionem, alteri vero manendi in sæculo, veluti prosequitur Alexander Ponifex in prædicta decretali *Cum sis, De convers. conjug.* En eius verba : « Inde est quod « auctoritate Apostolica prohibemus ne in « episcopatu tuo virum, vel uxorem, nisi « uterque ad religionem migraverit, trans- « ire permittas. Verum, si ita uxori senex « est et sterilis, quod sine suspicione possit « esse in sæculo, dissimilare poteris ut ea « in sæculo remanente et castitatem pro-

procul abesse, atque adeo opportunis cautionibus, præsidisque munitum, qualis evaderet, si se in monasterium abderet, ibique religiosam emitteret professionem. Haud tamen diffitemur quin aliqua afferri possint exempla episcoporum, qui nuptæ mulieri facultatem fecerint se Deo dicandi in monasterio, dum vir sacerdotio inter seculares initiaretur, licet is, haud grandiorum, sed virentem ageret ætatem. Hoc autem ideo fortasse factum, quod perspectissima fuerit viri probitas, certoque præcognitum, quantum quidem humana conditio patitur, fore, ut sacris ordinibus obstrictus, illibatam castitatem servaret : quod potissimum intendunt sanctiones canonum jubentium, virum ætate florentem, religionem ingredi, quoties uxor inter moniales ad religiosam vitam ducendam se recipit. Nemo sane ignorat veterem illam, satisque arduam, quæ olim fuit, controversiam, an, sicut matrimonii rati, sed non consummati vinculum per religiosam professionem dissolvitur, ita per sacri ordinis assumptionem diremunt illud pronuntiari jure posset, cum sacer ordo, æque ac religiosa professio, sit impedimentum nedum impediens, sed dirimens etiam matrimonium. Cardinalis Hostiensis in *Summa* eamdem sacro ordini vim tribuit ad dissolvendum matrimonium ratum, nec consummatum, quam habet regularis professio. Oppositam sententiam alii sunt secuti, impensis monentes, quod nulla super hoc allata, nec evulgata Pontifica definitione, periculoso nimis est Hostiensis opinioni subscribere. Verum, cum postmodum Joannes XXII suam ediderit constitutionem, quæ incipit *Antiquæ*, sub titulo *De voto et voti redempzione*, in collectione ejusdem Decretalium tit. 6, indubium firmumque mansit, quamvis matrimonium ratum, sed non consummatum, dissolvat religiosa professio, minime tamen per susceptionem sacrorum ordinum dissociatum illud censeri oportere. Porro, si ad casum, de quo agimus, exemplum ejusmodi accommodetur, unusquisque

(90) Lubet afferre resolutionem, de qua supra, tenoris ut sequitur : « *Januen. Maria Victoria Fossa* matrimonium contraxit cum Francisco Venatio, sed alii se prostituit, ita ut, instante viro, fuerit plures detenta in magno publico Hospitio pauperum, in quo hujusce generis mulieres custodiri solent. Pluries actum fuit, ut uxori rediret ad cohabitandum cum viro, sed hic semper constantissime renuit. Cumque, divina favente gratia, Maria Victoria parata sit ingredi monasterium convertitarum, et in eo professionem regularem emittere, et vir suum præstet consensum, et se paratum exhibeat ad dotem restituendam, et ulterius protestetur, quod ipse etiam professionem regularem emitteret in aliquo ordine religioso, nisi genitorum actas ingravesceret, eorumque indigentia aliud suaderet, exhibita fuit huic S. congregationi a Maria Victoria humili petitio pro facultate ingrediendi in monasterium convertitarum, et in eadem emittendi professionem religiosam, licet vir in sæculo remanset. »

Scriptum fuit eminentissimo archiepiscopo pro informatione et voto ; qui retulit omnia in facto subsistere, et Mariam Victoriam esse in ætate an-

facile noverit, non satis tuto egisse episcopos illos, qui quandoque facultatem fecerint ad sacros ordines descendendi viro licet juniori, cuius uxor sanctimonialium vitam amplectebatur ; longeque reetius fuisse facturos, si, ubi peculiares facti circumstantiæ id suadere viderentur, eosdem monuissent ut opportunam a Sede Apostolica dispensationem implorarent, cum nulla de hoc Pontificia exstet definitio.

Verum, si hoc quæstionis caput de viro juniore, qui, uxore monasticæ vitam vovente, non inter regulares proficeri, sed inter seculares sacerdotes initiari contendit, nullo Pontificio rescripto, aut const. fuit definitum, haud tamen illa desiderantur quoad alterum caput de viro florenti ætatis, cuius uxor admissi adulterii penitens, vult sese in monasterium abdere, ibique, nuncupata regulari professione, crimina sua expiare. Actum de ea re fuit congregatio particuliari habita coram fel. record. Innocentio Papa X, in eaque statutum fuit, legitima adulterii probatione non deficiente, nimur quoties aut mulier ipsa crimen confessa sit, aut illius delictum notorium fuerit, aut deinde judex sententiam tulerit super divorcio ex capite adulterii ; si uxor religiosam in monasterio vitam eligat, non cogi virum, licet florentem ætate, religionem ingredi, sed satis esse ut ab eo simplex castitatis votum in sæculo nuncupetur. Ita testatur Lezana, qui memoratæ congregationi coram Pontifice habitæ interfuit, in sua consult. 30, n. 27. Huie consonant aliae a congregatione Concilii editæ resolutiones, in causa nimur *Lucana*, decisa 14 Novembri 1682, lib. xxxiii *Decretor.*, fol. 489, et in *Ferrarien*. 2 Maii 1693, uti videre est lib. xlvi *Decretor.*, fol. 223, dumque nos ipsi in minoribus constituti eidem congregationi a secretis essemus, in causa *Januen.* 2 Maii 1722, ut patet ex tom. II *Thesauri resolutionum* (90), ubi insertum est folium, quod tunc a nobis elucubratum, et typis impressum congregationi obtulimus.

norum 25, et Franciscum virum esse in ætate annorum 34.

Consimilis casus his contigit tempore videlicet Summi Pontificis Innocentii X et anno 1682.

Tempore Innocentii Papæ X quedam femina conjugata habens maritum juvenem, sed qui religione ingredi non poterat propter infirmitatem, post commissum adulterium, facti penitens, petit ex consensu mariti ingredi religionem, et in ea prolieri, ipso in sæculo remanente.

Acciti fuerunt a Sunmo Pontifice theologi, ut consilium præstarent. Fuit inter eos accitus Pater Lezana, qui consilium dedit trigesimum inter impressa, et n. 57 refert sequentibus verbis casus decisionem : « Sanctissimus dominus noster Innocentius X quorundam theologorum, ex quibus minimus ego fui, votis auditis, decrevit, ut si de istius femina adulterio constabat, in monasterium quodam monialium, religionem professura ingredieretur, marito manente in sæculo, solo voto continentia emiso. »

Rursus anno 1682, cum quedam mulier Lucensis post matrimonium cum quodam viro contractum, cum aliis commercium carnale habuisset, postula-